

UPUTSTVO ZA POPUNJAVANJE OBRASCA DV-B

Cilj istraživanja i predmet posmatranja

Godišnjim izvještajem banaka i mikrokreditnih organizacija (DV-B) prikupljaju se podaci o ostvarenim rezultatima poslovanja za 2025. godinu u cilju izvođenja obračuna bruto vrijednosti proizvodnje, dodane vrijednosti i njene troškovne strukture.

Godišnji izvještaj DV-B popunjavaju pravni subjekti koji knjigovodstvo vode po kontnom planu za banke i slične finansijske institucije, a na osnovu knjigovodstvene dokumentacije o poslovanju u 2025. godini.

Definicije osnovnih kategorija

Neto prihod od kamata (redni broj 3) jednak je razlici između prihoda od redovnih kamata i rashoda od redovnih kamata (isključujući iznos na rednom broju 2.1).

Rashodi od kamate na imovinu sa pravom korištenja - operativni najam/lizing (redni broj 2.1) Prikazati rashode od kamate koji se odnose na imovinu s pravom korištenja u skladu sa MSFI 16 - Najmovi. Rashodi od kamate se odnose samo na operativni najam/lizing (kao što su troškovi najamnine nekretnina, opreme, prevoznih sredstava i slično) **isključujući finansijski najam/lizing**.

Troškovi poslovanja (redni broj 5) obuhvata materijalne i nematerijalne troškove knjižene na kontima 900 do 902, 910 do 914, dio konta 915 (naknade za službena i radna odijela i obuču), 916 do 918 i dio konta 919 koji se odnosi na ostale usluge.

Obaveze koje ne zavise od finansijskog rezultata (redni broj 6) obuhvataju poreze i takse knjižene na kontima 909 i dijelu konta 919 .

Amortizacija (redni broj 7) obuhvata ukupnu amortizaciju knjiženu na kontu 903 (uključujući iznos na rednom broju 7.1)

Troškovi amortizacije obračunati na imovinu sa pravom korištenja - operativni najam/lizing (redni broj 7.1) Prikazati troškove amortizacije koji se odnose na imovinu s pravom korištenja u skladu sa MSFI 16 - Najmovi. Troškovi amortizacije se odnose samo na operativni najam/lizing (kao što su troškovi najamnine nekretnina, opreme, prevoznih sredstava i slično) **isključujući finansijski najam/lizing**.

Sredstva zaposlenih (redni broj 8) definišu se kao sva primanja zaposlenih u obračunskom razdoblju u vidu naknada za obavljeni rad i sva davanja u korist socijalne sigurnosti zaposlenih. Sredstva zaposlenih obuhvataju bruto plaće i naknade plaća, doprinose na plaće i naknade plaća i naknade zaposlenima.

Naknade zaposlenima (redni broj 11) (dio konta 915 i 919) obuhvataju sljedeće izdatke: dnevnice za službeno putovanje, naknade prijevoza na posao i sa posla, naknade za ishranu u toku rada, terenski dodatak, naknade za privremene i povremene poslove, autorski honorari, naknade za odvojeni život, regres za godišnji odmor, otpremnine zbog odlaska u penziju, jubilarne nagrade, darovi djeci, pomoć u slučaju smrti radnika ili članova uže porodice, pomoć u slučaju teže invalidnosti, dužeg bolovanja, kao i dio konta 919 koji se odnosi na naknade članovima upravnog i nadzornog odbora.

Prosječan broj zaposlenih na bazi sati rada (redni broj 12) utvrđuje se tako da se ukupan broj ostvarenih sati rada u razdoblju podijeli s brojem mogućih sati rada po jednom zaposlenom u tom razdoblju.

Prosječan broj zaposlenih na bazi stanja krajem mjeseca (redni broj 13) utvrđuje se tako da se uzme broj zaposlenih na kraju svakog mjeseca iz kadrovske evidencije, i dobiveni zbir podijeli sa 12.